



Ассаламу аьлайкум, дустал

ХХЯХЖА БАРГЪ

Лакрал райондалул кказит. Ита бакълай 100-сса шин.

12+

«ЗАРЯ»

Нюжмар
28 апрель
2023 ш.

№19 (9440)

www.zaria-online.ru
gazetazary@mail.ru

1 май - Интнил ва Зах1матрал байрам

Т1абиаьт чант1а т1ий, дак1ру парх т1исса кьини

Аьрасатнаву майрал 1-ний к1иц1лагай Интнил ва Зах1матрал байрам. Му кьини давурттайнгу къагъай, бигъалагай кьини ккалли дай.

Хьхьич1а-хьхьич1 ва кьини Аьрасатнал паччах-лугърай к1иц1ларгун дур Варшава шагърулий 1890 шинал. 1891 шинал т1урча к1иц1ларгун дур Санкт-Петербурграй. Цурда байрам дуллан ккаккан бувну бивк1ун бур 1889 шинал 2-мур Интернационалданул Парижрай дурсса конгрессрай 1886 шинал майрал 1-ний Чикаго шагърулий цала ихтиярду дуруччин т1алав буллай гъаз хьусса зузалтрал х1урматран.

Аьрасатнаву байрам цалчин к1иц1ларгун дур 1917 шинал, большевиктурал лозунгиртгашал («Вся власть Советам!», «Долой империалистическую войну!») зах1маткаш к1ичирт-тавун бувккун. Ца шинава майрал 1-ний дурну дур зун къабик1айсса кьини, Московлив аьралуннал парадду дурну.

1933 шинал майрал 1-нийрив Московлив Ят1ул майдандалул ялув цалчин дурну дур гъаваллауьсса парад аэропланну лехлай. Му дуллай бивк1ун бур дяьви байбишиннин.

1970 шинал байрамран ц1усса ц1а дирзун дур -1ва 2-мур майрал гъантри ккал-



ли бувну Миллатиртгал дьанивсса зах1маткаш цач1ун шаврил гъантрину. СССР-даний 1-мур май дирк1ун дур революциялул лишангу дусса политикалул байрам. Хьунисса демонстрациярду дайсса дирк1ун дур политикалул ишккакултрал суратиртгашал, лозунгругу дургьуну, плакатругу лархьуну, зах1маткаш буккан буллай.

Ц1ана мукуьсса политикалул лишан ва байрамрал дакъар. К1иц1лагай ва кьини Интнил ва Зах1матрал байрам кунна. Бигъалагай кьинину ккаллигу дай. Мукуьсса кьинину ц1акъ дурну дур 2001 шинал декабрьданул 30-ний РФ-лул Зах1матрал кодексрал 112-мур статьялий.

Ц1а цукунсса дизарчагу, халкъуннал ва кьини ккалли дай инт дурк1сса, ц1ушиннарду хьанахьисса кьинину. Т1абиаьтгу чант1а т1ий, уртту дуклай, мурхьру т1ут1айх бичлай, гъилишиву хьанай, инсанталгу ххари хьанай бунут1ий.

Мюхчаншиврул предприятиярттай зун гъан ччиминнан

Дагъусттан Республикалул социальный хьхьич1унмай шаврил зах1матрал Министерство баян буллай бур билаятрал мюхчаншиврул промышленностьрал камплекрал предприятиярттай зунсса к1антурду бушиву.

Ми хьанай бур Кировский, Рязанский, Ленинградский, Курганский обласирттайсса предприятияртту.

Миккун зун бувк1миннан чул бищунсса документру хьанай бур 2021 шинал мартрал 13-ний Аьрасат Федерациялул бувсса (№362) «О государственной поддержке в 2023 году юридических лиц, включая некоммерческие организации, и индивидуальных предпринимателей в целях стимулирования

занятости отдельных категорий граждан» т1исса х1укму.

Ц1анасса ч1умал вай обласирттай бусса даву дакъултрал дузал буллай бакъар зунсса инсантал.

Гьарца х1алкъазиялул к1ул хьун бюхълай бур «Работа в России» т1исса Цасса цифрардал платформалий.

Ва иширашчал хьиннува балжину к1ул хьун бюхъант1иссар «Лакрал район» МР-дануч1асса ГКУ РД Центр занятости населения бувк1ун ягу телефондалувух овькуну.

Тел: 8 (8726) 2-42-57.
Адрес: РД Лакский район с.Кумух ул.Сурхайхана 1, д90.

28 апрель - Щалагу дунияллий зах1мат буруччаврил кьини

Дунияллул халкъуннал дьанивсса зах1мат сакин баврил ва буруччаврилсса буллалисса организациялул гьарца шинах 28-мур апрельданий дунияллий к1иц1 лагайссар зах1мат буруччаврил кьини.

Ваниц1ун бавх1уну дачин дайссар хьуннасса бувч1ин баврил давуртту (выставкарду, ккуркки столлу, форумру ва м.ц.), буккайссар лекциярду, специалис-турал докладру...

МОТ-рал яла агьанми документруну хьанай бур Конвенция №155 (1981ш.) ва Конвенция №187 (2006ш).

Зах1матрал аралуву агьанмур къайдану ва их-



28 АПРЕЛЯ ВСЕМИРНЫЙ ДЕНЬ ОХРАНЫ ТРУДА

Миннул мурад общест-венность инсаннал зах1мат буруччаврин лажинну к1ура даян даву. Цанчирча производволий ц1унцияртту, апат1ру, литавуртту, ц1улушиврун зараллу хьанай бунут1ий.

Ч1явусса ишру хьанай бур зузалт мушакъат хьуса, ливт1усса. Вайннуя буруччинсса профилактикалул, ялув бац1аврил давуртту гужлан давури агьанмур мяьна.

2023 шинаву ва кьинилул теману баян бувну бур «Безопасная и здоровая рабочая среда - основополагающий принцип и право в сфере труда» т1исса. Ва цакуну дагъсса тема дакъар. Цанчирча 2022 шинал МОТ-рал зузалтрал гьануми ихтиярду дуруччаврил сиях1равун дуртун дур нигъач1аву дакъасса производство сакин даву чарабашиврий.

тиярну ч1алач1и бувну бур хушрай акъа зузала зузи къаан (принудительныйну), цач1ун шаву тархьанну, коллективныйсса переговорду бансса ихтияр дуну, оьрч1ал зах1мат къабик1анну, захматрал гигиена ва нигъач1ишиву дакъашиву дуну зузаву.

Щалагу дунияллий зах1мат буруччаврил кьинилул тарих 1989 шиная байбихьусса бур, Канаданаву зузи к1анттай ливт1усса зузалт дак1нин бичаврил акция хьуну мукъах.

Мунияр махъ 10 шинаву укуьсса акциярду дуллан бивк1ун бур Щала дунияллий. 2003 шинал МОТ-лул х1укму бувну бур ва кьини официальнойну к1иц1 лаглан. Мукуь дунияллул акциялувух х1ала дурххун дур 175 х1укумат. Гьарца шинал му кьинилун дулай хасьсса тема.

Аь.Мусалаева.

Бахшиш

К1илчинмур бахшишран лайкъ хьунни

Аьрасатнал Федерация-лул Мюхчаншиврул министрнал гьашину февральданул 4-ний чивчусса №78 амрулин бувну, Ххюлусматусса Акаев Х1ажимурад Мах1аммадул арс лайкъ хьуну ур «За воинскую доблесть» т1исса 2-мур даражалул медальданун.



Х1ажимурад ур гвардиялул сержант. Гьуртту хъанай ур Украиннай жула аьралуннал буллалисса хасъсса операциялул талатавурттаву танкирдайн кьарщисса отделениелул командирну. Ва бахшишрангу лайкъ хьуну ур талатавурттаву цала кьуллугъ бартбигьлай ч1алачли дурсса кьучагъшиврухлу ва виричувшиврухлу.

Мукец1аллий к1ира шинавусса Х1ажимурад дуклу сентябрьданул 21-ний цува хушрай увк1ессия Лакрал ва Ккуллал районнал военный комиссариатрайн, жула би-



лятрай каялушиву дулламиннал баянбувсса мобилизация (дяъвилий талан аьралуннавун буцлацаву) бавну, Аьрасатнал ярагъуннил гужирдаву кьуллугъ бартбигьлан ччай ушиву бусин. Аьралуннавун Лакрал ва Ккуллал районная цалчин бувцуминнавух вагу лавгссия талан.

Цал талатавурттаву гьутту хъанансса вардишшиннарду лахьлайгу ивк1ун, Х1ажимурад гъан увссия Запорожьеллал областьрайсса аьралуннавун. Ц1анагу тикку ур, талатаври-

ву гьуртту хъанакъисса хьхьич1сса дазуйсса аьралуннаву.

Шиккува дак1нийн бутан, ваниял хьхьич1гу Х1.Акаев лайкъ хьуну уссия 4-мур даражалул «Георгиевский крест» т1исса лишандалун.

Барча анну Х1ажимурад лайкъ хьусса бахшишрацал! Ч1а учинну ванан мударн орумулуву хьунадакълакъисса циняр дайшишруту бас дурну, ххувшавуртту ласлан, жула аьралуннацал къаст ларх1усса мурадрайн биян! Ххувшавугу ларсун, ц1уллуну, сагъну шавай зана хьуннав!

Сергей Меликовлул РД-лул Халкъуннал Мажлисрай бувсса ихтилатрава

Ванал цала ихтилатраву хьхьич1ра -хьхьич1 ч1урч1ав дунни СВО-лий гьуртту хъанакъисса дагъустанлувтурал шала дунияллий тасттикъ бувшиву цала ях1-кьирият, Ватан дуруччин чялишшиву. Сайки азараксса дагъустанчув лайкъ хьунни орденнан ва медаллан. Миннал майжаннугу ч1алачли бунни цивпна лайкъну бушиву буттахьал, таттахьал ирс буруччин.



Сергей Меликовлул бусравну дурккунни СВО-лул иширттаву Аьрасатнал Вирттаврал ц1арду ларсъсса кьучагътурал ц1арду:

Нурмах1аммад Х1ажимах1аммадов (цалчин ларсма), Асадуллагъ Абачев, Руслан Кьурбанов, Исрапил Мах1аммадов, Михаил Абрамченко, Шамил Мах1аммадов.

Бувсунни цуксса кумаг буллалиссарив СВО-лий гьуртту хъанакъиминнан. Миккун т1айла дурккун дур 5 азаллий 180 тонна гуманитар кумагал, вайми кумагру бувсса фондру х1исавну 8,5 азара тонна.

Бувсунни шихуннайгу ва даву хьиннура гьартану дачин дант1ишиву, ц1ана дуссанни-яргу гьарзану.

-Жуч1ара СВО-луву гьуртту хъанакъиминнан, миннал кулпатирттан, ливт1уминнал гъан-маччаминнан кумагрансса «Циняв цач1уну» т1исса фонд сакин дурну дуссар. Мунинсса арцу наниссар республикалул бюджетрава, луртандалийсса арцуя. Ми бакъасагу, ишбажаранчитурал, меценатгьтурал ва цайминнал кумагру буллалиссар, -увкунни С.Меликовлул, бувч1ин бунни ливт1усса аьралийтурал кулпатирттан дагъайсса циняр выплатарду щаллуну дулунт1ишиву.

Бувч1ин бунни циксса зах1матшивуртту хьунадакълдай дирк1ун дунугу, Дагъустаннай социал -экономикалул хьхьич1унмайшавриву ккаккьяртту хьун дуллай бушиву. Масала, республикалул инвестициярдал программалий ларгмур шинал республикалий бувну бур 110 объект: 14 школа, 54 обрч1ал багъа, 11 спортрал объект, 17 газралсса ва 10 щиналсса буллалисса. Бусаврин бувну диялсса давуртту ва лябукку хьуну бур шяраваллил хозяйстволулу, куклу промышленностьраву, строительстволулу. Ларгсса шинал регионалул аьмсса продукт 3 процентрал лахъ шаву, му махъсса шиннарди реокрд хъанай дусса дур. Гособоронзаказ шамлийну лахъ хьуну дур.

Ц1анасса ч1умал кризис хьуннинсса ч1умалссаксса дур даву дакъултрал аьдад, ялуялун ч1яву хъанай бур социал контракт чирчуну предпринимательство дачин дувулт, цала хозяйство дачин дуллалими ва м.ц.

Хьхьич1 ххуттавун ласунсса, агьамсса масъаларттая, зах1матшивурттая к1иц1 буллай С.Меликовлул бувч1ин бунни предпритиярттал производстволул фондру ц1убуккан бан багълай бушиву. Му хьун-

мурч1ин промышленностьрайн, шяраваллил хозяйстволин ва цайми отраслирдайн багълагъишиву. Микку хьунмар бияла промышленностьрал ипотекалул инструменту ц1убаврихь. Промышленностьрал предпритиярттал машинартту, оборудования ласун харж дурмуниссса субсидияртту ласавансса федерал программардаву гьуртту хъанан бур. «О мелеорации земель» т1исса Федерал закондалулу дахханашивуртту дурну, сельхозтоваро-производительтураща бюхълахъиссар кьундалин к1ура даллалисса аьрщарай мурхьру бутълансса субсидия т1алав бан.

Цамур хьхьич1 бавц1усса масъала бур жула индустрия хьунисса аьрасатнал компаниярттащал кооперация даврин буккаву.

Шяраваллил хозяйстволулу дузал дуллан дур перерабатывающий промышленность хьхьич1уннай даву. Ч1ярussa шяраваллил хозяйстволул продукция жура дуч1ан дулларчагу, миннуя ци дунугу даву (переработка) жуч1ара лап лагъну дур. Х1атта К1ик1униннал консерварду дай завод бавц1уну бур. Му зун аьркинссар РД-лул Х1укуматрайн тапшур буллалиссар му ахъулсса дат1ланнин зузи бансса бигар.

Шамулчин хьхьич1 бавц1усса масъалартту бур аьрщарац1ун бавх1усса. Ца чулуха аьрщи диял хъанай дакъар, вавур чулуха ишла кьадуллалисса аьрщарал майданну гьарзари. РД-лул Х1укуматрайн тапшур буллай ур аьрщи мюнпатну ишла дуллансса ххуллурду ласун. Му ишираву хьхьич1унну бачин аьркинссар районнал бак1читалгу.

2024 шинал 1-мур январьданиян байбихьуну строительстварду дан пландалийсса аьрщарал участокирттансса ихтиярду кьадулунт1иссар ми территориярттал дазурдаясса сведенияртту Единый государственный регистрданий (ЕГРН) бакъахьурча. РД-лул Х1укуматрай, муниципал районнал бак1читурацал, ва шин кьуртал хьуннин муниципал сакиншиннардал дазурдал сведениярду ЕГРНдалин лавсун кьуртал бансса бигар бихьлай ура.

Аьрщи ва хъус агъалинан, х1укуматран мюнпатну дик1аншиврул ми эффективныйну ишла дуллан аьркинссар, -т1ий ур республикалул бак1чи.

Дагъустаннал бак1чи лялич1исса кьулагъас дуллай ур бюджетрайн дуч1айсса налогру гьарза даврихь.

Ванал тапшур бунни контрольданул, надзорданул ва ихтиярду дуруччай органнал давуртту хьинчулиной даххана дан.

Хьуннасса даву дант1ий бусса бур дух шаврил ялапар хьун нигъач1аву дусса кьатрава инсантал бизан баврил ц1аний. Мукун 2023 шинал ахирданиянин ц1усса минардайн бизан бан бур сайки 1000 инсан, ягу 300 ливчусса кулпатру.

Гихунмайгу буссар.

«Ххяххабургъин» 100 шин

«Ссират1 ламу»

Гъужи Гъужиев.

45-нийяр ххишаласса шинну хьунни ттул райондалул кказитрал орумулуву гьуртту.

Хьхьич1а-хьхьич1 редакциялувун увхссара 1942 шинал. Жу Гъумук педучилищалулу дуклай, ялувмур зивулий буссияв, редакциямур, ххурххур т1исса типографиялул

машинарттал ч1унищал, жул лув бик1айссия. Электричество дакъасса ч1унну ч1ярусса дик1айвахха, му ч1умал, кказитру бищай машина карунних зузи бан, кумаграйн оьвчайва. Жунгу мунихлуну чичинсса чагъарданул ч1ап1иврагу дирияйва.

Гай шиннардий редакторну Абуруслим Гунашев ик1айва.

1945 шинал педучилищегу кьуртал бувну на учительну зун т1айла увккунав Ц1усса лакрал райондалин. 5 шин гилу дурну, 1951 шинал Лаккуйн занахъуссияв. На цал селькорну, яла - сурат рищуну (штатрайсса) зий уссияв, учительшивугу дуллай унува. Хьунмурч1ин Виц1хьиял мах1лалийн гьайссия, амма ч1явуну гъан багъайва махъми щархъавунгу, райондали хъанакъисса шадлугьирттайнгу, хьунабакъавурттайнгу, анаварну сурат рищун

аьркинсса ишру хьувкунгу. На ттула мотоциклетрай ва машиналий икъвасса шяравалу ва кьутан дакъассар.

Архмур аьрххилий лагайссияв каникуллал гъантрай. Гъанми к1анттурдайн (щархъавун, фермардайн, ахъавун) - дарсирдая махъ, игъалагай кьинирдай.

К1улсса зат бур, журналистурал хьхьич1 мударн уттасса ххуллугу, щюллисса чанигу кьабивк1ишиву. Чансса кьадик1айва зах1матшивуртту. Миннуя нигъаусай-

манаща дан шайсса давулу дакъассар ва.

Амма ххаллилсса зах1матрал инсантурац1ангу ивну, гайннал дак1ниймургу к1ибавч1уну, рирщуну суратругу, мурад щаллу хьувкун, циняр зах1матшивурттугу хъамадиртун, анавар уккайссияв шавай ч1умуй суратругу дурну, кказитрай рищунмур анаварну диян дан.

Так1уй ччан кьабик1айва инсаннал дак1нийн щунсса макъала рищун. Ххуйсса (Ахир 3 лаж.)

«Лакрал район»
МРданул амру

17 апрель 2023ш. №120-р

«Хяххабаргъ»

кказитрал
юбилей сакин
даврия

«Хяххабаргъ» кказитрал редакция» МКУран 100 шин бартлаглагисса шадлугърайн хладур шаву мурадрай:

1. «Хяххабаргъ» кказитрал 100 шин хъанахъисса шадлугърайн хладур шаврил сакиншиндарал комитет сакин бан ва мунил сияхл цлак дан (лув риршун дусар).

2. Лакрал муниципал райондалий «Хяххабаргъ» кказитрал юбилейрал шадлугъ хладур дансса ва му бартдигинсса план цлак дан (лув риршун дусар).

3. Ва амру бишун райондалул «Хяххабаргъ» кказитрай ва «Лакрал район» МРданул сайтрай.

4. Ва амру биттур баврил ялув ацан тапшур буллау ура «Лакрал район» МРданул администрациялул баклчинал заместитель Я.М.Хамзаевлуйн.

Ю.МахIаммадов,
«Лакрал район» МРданул администрациялул баклчи.

Состав
оргокомитета по подготовке и проведению в Лакском муниципальном районе мероприятий, посвященные празднованию 100 летнего юбилея МКУ «Редакция газеты «Заря»

1.	Магомедов Юсуп Гамидович	- глава МР «Лакский район», председатель
2.	Куннуев Абубакар Магомедович	- заместитель главы администрации МР «Лакский район»
3.	Гамзаев Явсупи Магомедович	- заместитель главы администрации МР «Лакский район»
4.	Мусалаев Мусалав Магомедович	- редактор газеты «Заря»
5.	Шурпаев Шяпи Гаджиатаевич	- председатель Собрания депутатов МР «Лакский район»
6.	Рамазанов Магомед Саидович	- начальник межрайонного отдела МВД России «Лакский» РД (по согласованию).
7.	Макаева Соня Гусейновна	- директор МКОУ «Кумухская СОШ»
8.	Кажлаев Ансар Ибрагимович	- директор МКУК «ЦК,МП,С,Т и ЦБС».
9.	Османов Малик Амирханович	- заместитель директора МКУК «ЦК,МП,С,Т и ЦБС».
10.	Хизриева Марина Юсуповна	- директор ЦБС
11.	Чавтараев Гаджи Гусейнович	- управляющий делами администрации МР «Лакский район»
12.	Магомедов Темирлан Магомед- Саидович	- начальник МКУ «Управление образования»
13.	Амирханова Айша Сулеймановна	- начальник отдела финансов
14.	Дибиров Абдурагим Дибирович	- главный врач ГБУ РД «Лакская ЦРБ»
15.	Максудова Зулейхат Шабановна	- председатель Общественной палаты Лакского района
16.	Ахмедов ТагирАлиевич	- начальник информационно-аналитического отдела

П Л А Н

по подготовке и проведению в Лакском муниципальном районе мероприятий, посвященные празднованию 100 летнего юбилея МКУ «Редакция газеты «Заря»

№ п/п	Наименование мероприятий	Сроки исполнения	Ответственный исполнитель	Примечание
1	2	3	4	5
1.	Опубликовать на страницах газеты «Заря» ряд материалов об истории создания газеты, о деятельности, о сотрудниках и т.д.	в течении 2023 г.	Мусалаев М.М., гл.редактор газеты «Заря»	
2.	В общеобразовательных учреждениях района провести тематическое мероприятие посвященное 100летию газеты «Заря»	апрель-май 2023 г.	Магомедов Т.М-С., начальник управления образования, руководители общеобразовательных учреждений	
3.	В библиотеках Лакского района организовать книжные выставки, посвященные творчеству поэтов, писателей ранее работавших в редакции газеты «Заря»	в течении 2023 г.	Хизриева М.Ю., заведующая библиотечной системой	
4.	Провести турнир по мини футболу среди молодежи района, посвященный празднованию 100 летнего юбилея газеты «Заря»	24-25 июнь 2023 г.	Османов М.А., зам.директора ЦК, МП,С,Т и ЦБС, Директор ДЮСШ	
5.	Подготовить баннер, посвященный 100летию газеты «Заря» и разместить на видном месте перед зданием Управления образования района.	июнь 2023г.	Мусалаев М.М., гл.редактор газеты «Заря»	
6.	Организовать встречу с бывшими работниками редакции газеты «Заря» в честь юбилея газеты.	июнь 2023г.	Мусалаев М.М., гл.редактор газеты «Заря»	
7.	Подготовить и представить в администрацию МР «Лакский район» документы на награждения ведомственным наградам работников редакции газеты «Заря»	апрель 2023г.	Мусалаев М.М., гл.редактор газеты «Заря»	
8.	Выпустить праздничный номер редакции газеты «Заря»	23 июнь 2023г.	Мусалаев М.М., гл.редактор газеты «Заря»	
9.	Провести торжественное мероприятие посвященное празднованию 100летнего юбилея газеты «Заря»	28 июнь 2023г.	Организационный комитет	

«СсиратI ламу»

(Дайдихъу 2 лаж.)
суратрал ва статьялул: дорьякая, хлухчия, механизаторная, цума -унугу захIматчиная, га хъинну шавкырай зузи айва, махъминнан эбрат ккаккан дуллан икIайва.

Журналист корреспондент миннал чивчумур бишлашисса кказит, журнал муданмасса тарбиячиталну биклан аьркиншиву чIалачIисса зат бур. Корреспондентнал даву бигъасса дакъашиву, хъунадакъайшиву дакIний -мазрай къадиркIсса тIааьндакъашивуртту мугу иссватсса зат бур.

Ца ххуллук «Хяххабаргъ» кказитрал редактор А.Мудуновгу нагу, шофер Шяьваннушал (цал бунагьирттал аьпа баннав Аллагънал) бавчуру къутаннайх ялтту буккан. Дия даву шириркIусса гъинтнил чIун. Бивру Къараманнайсса Хъурхърал ва Гъумучиял авлахъирттайн. Кув ххуллук цулуй, кипру бахIлай, кувхъуру ттихIлай комбайнардай, кувгу къама ттарацIун ххилай лазуни фермардачIан диян дуллау - авцIусса цукIуй акъая. Ттул фотоапаратту кьинибархан къяр-къур тIий бия, ттуламур бакIлахъия ратIлай...

Гъанттайнмай жу бивру

Сулакьрайн. Абакар гостиницалувун авчунни, на ттула гъанчув АьлабуттиннучIан лавгра.

КIюрххил Аьлабуттиннул кулпат Зайнавлул къалмукъ чIай дурну, хъхъичI дирхъуна. Анавархъиндарай ххувкъацI бан къуса гъаз дурсса -яньха тIисса балугърал къанкъ ришлан диркIуна. Гужрай ца-кIива ххувгукуну, анавану ушивугу бувчIин бувну хъьвун увксса, Аьлабуттиннул кIива оьл, ца-цаннил хъхъичIгу ца-ца бадра шавхъсса килькалул бивхъуну, канай ххал хъуна.

Явара зула оьллу балугъру канай бур, -куну, леххаву руртссия на.

Ялун увкIсса Аьлабуттиннул, хъис махIатталгу къавхъуну, увкуна:

-Яр, Гъужий, вай къуннал даралуву жу оьллу ссай ябуллау бусса ххай уссияв?

Аьлабуттин консервартту дай заводрай механикуну уссия. Ганал бусаврин бувну, шавхъун хладур бувсса килька даву къуртал хъуннин банкардавун лакьин къавхъуну махъун личIарча, гай эьки бичайсса бия. Заводрал зузалтралгу, лазундарал къянатсса кланугу бухъувкун Сулакь, килькалул бадрарду бувцIуну цала ризкылун булун ласайсса бия.

Ва хавар Абакардухъ буслай на унува, Шяьван жула хъхъичI авцIуну льявкъуна. Жугу къутаннал чулухунмай бавчуру.

Хумауллал къуннавух найгу бивкIун, ца кIибачIулийн бивсса чIумал, Абакардул шофернахъ урчIахунай ачу куна, къутаннал ххуллурду ттун хъинну кIулссар куну Шяьваннуллил машина куя-хунмай бурган бувна.

Наниссаксса ххуллу къума хъанай, оькки хъанай, ахиргу ца татаоьлданул ялтгусса оькки ламуйн лавхъру. ЦакIира метра ританнин - ламу сукку тIий, къярш-къюрш тIун бивкIуна. БацIан бувсса машиналува увккун, ацIансса клану чулух бакъая ламул къумашиврул.

Цукунугу, хIаллих махъунмай бувну, ламуягу бувчIун бургарча - дянива ламу бувагу бакъая гъавгъун. Га чъянива къабивтсса авсса тIаннул ламу бивкIун бия. Жулгу тамансса талихI хъуну бия машина чъяни махъунмай булаву.

ЗанавивкIун нанини, Шяьваннул Абакардул тIимур ххуллийх ачин ччан бивкIуна. Хуш зия хъусса Абакардуллил машина Лаккуйинмай бачин бува куна.

-БачIи ххуллийн занабикIаяр нанинин бачирча хъиннихха, -кусса ттул маслихIатрангу Абакардул куна:

-Вин къаккавкриввар кIа «ссиратI» ламу? Уттигу чун бакIрайн багъавив жува шин кIулссар?

Мукунгу куну, машина шапнай кIурабаен бувна.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 682 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный
ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

РФ-лул Паччах1лугърал Дума**Апрельданий гужравун дурхсса законну****СОЦИАЛЬНЫЙ ПЕНСИЯРТТАЛ ИНДЕКСАЦИЯ**

2022 шинал июньдалий 10%-рал индексация даврил ялун, ц1ана апрельданийгу 3,3%-рал индексация дуруни. Мукун, пенсияртту хъуни хъанахъиссар арцул инфляциялуя (къимат ялавай багъаву) ххишалану.

Ва дахханашиву дагълагъиссар инвалидшиврул, кулпатран ччат1 ляхълахъима ивк1уну ва м.ц. пенсияртту ласлассса 4 миллиондалин бивсса пенсионертурайн.

Чунч1ав аьрза чичлан къааьркинссар - индексация цурда ххунт1иссар. Дак1нийн бутанну: социальный пенсия ласайссар страховой пенсия бишинсса зах1матрал стад биялсса бакъаминнал.

НИТТИХЪАЛ КАПИТАЛДАНУЛ ЗАЛЛУХЪРУ КЪАТРИ МАШАН ЛАСАЙНИ БУРУЧЧАВУ

Ниттил капиталданул

арцу харж дан буч1иссар кредит ласайсса муштартурал кооперативирттая ва шяраваллил хозяйстволунсса кредит ласайсса муштартурал кооперативирттая ларсъсса займру лакъингу. Мукунсса кооперативру аьркинссар Аьрасатнал Банкрал т1алавшинну биттур дуллай бик1ан. Ми кооперативирттал хасъсса сиях1гу дант1иссар.

Цанчирча, ва ишираву ч1яруну хъунадакъай низам, т1алавшинну зия дурсса ишру. Мисалдаран, сертификатрал залуннан займ дулай яхъанансса шарт1ру дакъасса, ххирану дахлахисса къатри ласун.

«Инсантураца ниттихъал капиталданул арцу мюнпатну ишла дан бюхъаву - агамсса масъалари, -т1ий ур Паччах1лугърал Думалул Председатель В.Володин. -Ми арцу къатри ласун ишла дуллалани, закондалул кумаг бант1иссар низам зия давуртту чан дан, му ишираву х1арамзадатурая буруч-

чин».

ИПОТЕКАЛУЛ ЧАГЪАРДУ БУМИННАНССА КАБАКЪУ

Гужравун духлай дур, банк маэшатраца хъурча (банкрот), мунил буллусса ипотекалул (къатри машин ласунсса кредит) чагъарду буми буруччинсса закон. Ипотекалул арцу аьркинссар цания -ца му иширансса хасъсса счётру т1ирт1усса банкирай ядуллан.

Ипотекалул чагъарду - ипотекалул ахир багъа ялавай бан кумаг буллалисса ва ми арцу длулансса банкирдал каша хъунна дуллалисса чарари.

ВЕДОМСТВОРДАЛ ЭЛЕКТРОННЫЙ ЖУРАЛИЙССА ДАХ1АВУРТТУ

Исполнительный власть-рал органнаца бюхъант1иссар электронный журалий Аьмсса паччах1лугърал сиях1рая (Единый государственный реестр) ласун

инсантурал тагъарданул актирдаясса (акты гражданского состояния) хлуччарду. Му сиях1рай буссар, мисалдаран, оьрч1 бувсса ягу ташу бувсса (магъар бивхъусса) свидетельствордайсса хлуччарду.

ПАЧЧАХ1ЛУГЪРАЛ КЪУЛЛУГЪРАЙН КЪАМУЛ АНССА Т1АЛАВШИННУ

Ишла дуллан бивк1ссар «профессиональный уровень» оценка профессионального уровня», «область профессиональной служебной деятельности» ва «вид профессиональной служебной деятельности» т1исса мягънарду.

Паччах1лугърал къуллугъирттал масъаларталсса ва зулалтралсса байсса паччах1лугърал органнал бут1рал дайсса давурттан ккалли дурссар зунми лякъаву ва зун буцаву, граждан къуллугъирттай зун ччиминнан пиша к1улшиврул даражалул къимат бицаву, мукунма - миннан цала пиша к1улшиву ххалбигъаву. Пиша к1улну бурив ххал бигъайсса экзамен дукъан дурссар.

Контракт чирчуминнансса куклушиннарду**(Дайдихъу 17,18 ном.) ПЕНСИЯРТТАЛ ЩАЛЛУ БАВРИВУ**

Аьралуннаву къуллугъ буллалиминнан пенсиялин буккансса ихтияр шайссар къуллугъ буллай 20 ва ххишаласса шинну хъурча.

Микку хъусса шиннах бурувгун (выслуга лет) пенсия бишайссар укунсса лагрулий ва къараллай:

-20 ва ххишаласса выслугалул шинну хъусса граждандуран: 20 шин выслугалул хъусса шиннайн бувну 50 процент ялун ххишала байссар, 20-нийяр ххишаласса шинну хъурча, гъарца шинах 3 процент ххибайссар, амма аьмну 85 процентраяр ххишала къабайссар;

-зах1матрал стаж 25 календарьданул шиннуксса ва ххишаласса бусса гражданинтура, минувугу аьра-

луннаву къуллугъ буллай ялчанну 12,5 шин хъурча: аьмсса стаж 25 шин хъуминнан 50 процент ххишала байссар, 25-ния ххишаласса шинну хъуминнан гъарца шинах 1 процент ххишала байссар.

Пенсиялул арцуву х1исавравун ласайссар махъва-махъсса штатрайсса къуллугърал оклад, аьралий званиялул оклад, шиннардил выслугалин бувну гъарца зуруй ххидайсса арцу.

Мукун масала, 20 шин хъусса гражданиннащал цалчинмур аьралий контракт чичирча, цалгу призыврайн бувну аьралуннаву къуллугъ бувсса, пенсиялин уккансса ихтияр мунан дириянт1ий дур 39 шинаву.

УКВА МЕДИЦИНАЛУЛ КУМАГ БАВУ
Контракт чирчуну аьралуннаву къуллугъ буллали-

миннан укунсса медициналул куклушиннарду дур:

-аьралий медициналул учреждениерттай уква щаллуну ххал аву, хъин аву, реабилитациялул щаллушин даву, муниципала гъарца шинал диспансерныйну ххал аву;

-ккарччал протезру бакъин баву ва ц1усса баву (хъинну ххирирсса металдания бувми лич1аннин).

Аьралуннаву контрактрай къуллугъ буллалиминнал кулпатирттан (солдатътурал, сержантътурал) паччах1лугърал, муниципал даражалул медициналул идарарттай чарабакъа дайсса страхование даву вайми гражданинтура куннасса къяйдалий.

КЪУЛЛУГЪ БУЛЛАЛИНИ ДУКИЯЛУЛ ЩАЛЛУ БАВРИЯ

Контрактчитуран дуки-х1ач1иялул щаллу баву сакин дурну дур аьралуннаву къуллугъ буллалисса кланттай дукия щаллу даврийх1ин, миннан дукиялул пайкарду буллай.

Гъарца къуллугъ буллалима, рядовойсса ягу сержантесса системалуву ума лич1и акъа, аьралуннал частирдавусса сталоваярдавусса къараллайн бувсса, украсса дуки-х1ач1иялул щаллу уллай ур. Мунишала мукун дулайсса дукрардал бувшиву ялуялун ххуй хъанай, лич1и -лич1исса жулардал дуллай бур.

ЯННА -УССУЛ ЩАЛЛУ БАВУ

Контракт чирчуми щаллуну дузал буллай бур ялуялун ххуй хъанахъисса, ц1аннасса жулардал янна -уссул.

ЧАРАБАКЪАССА ПАЧЧАХ1ЛУГЪРАЛ СТРАХОВАНИЕ ДАВУ

Аьралий контракт чирчуми федерал бюджетрал харжлугърай щаллу буллай бур паччах1лугърал чулухасса, мунан цаннасса чарабакъацца страхованиялул.

«Оьрч1ан - нигъач1аву дакъасса ххуллурду»

Школалин гъаннинсса дуккавил идарарттал дянив най дуссия оьрч1ру ххуллурдайх нигъач1аву къадик1анну бачин лахъхъин буллалисса профилактикалул давурттац1ун дарх1усса республикалул конкурс. Мунин ц1а дия «Безопасные дороги детства» т1исса.

Му конкурсраву гьуртту хъуна Гъумуксса оьрч1ал багъ «Солнышкагу».

Республикалул даражалыйсса конкурсраву 3-мур клану бувгъунни жула «Солнышкалул» Ва ц1а дансса ккаккия хъанахъиссари.

**Баянбаву**

Майрал 6-ний ссят 14-ний Гъумучиял школалул актывый залдануву Лакрал театрданул ккаккан бант1иссар спектакль «Духкъаларгсса макъ» («Невыплаканные слёзы»).

Ва спектакль бивхъуну бур ц1адурксса чичу, Гъумучатусса Апанни Къапиевдул дяввийил чивчусса дневникерттайн бувну.

Бухъхъияра спектакль ххал бан!

